



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm II. Sæculares.

[urn:nbn:de:hbz:466:1-62587](#)

id locum habere in judice proprio & ordinario; secundum est in judice appellationis; partim ne causa principalis diutius protrahatur, partim quia causae haenon sunt connexae, sed facilè separari possunt, ut expedita causâ principali, altera de salario ad ordinarium Iudicem remittatur, ita Ioan. Monachus hic n. 4. & 6. Ceterum si clientulus procuratori suo expressè aut præsumptiuè promisit salarium se soluturum in curia Metropolitani, videtur ibi conueniri posse, siue promissio facta fuerit in diœcesi Archiepiscopali, siue in diœcesi Suffraganei, quia non attenditur locus promissionis, sed destinatae solutionis, ut dictum est in c. vlt. vbi ita respondet Abbas n. 32. neque contradicit Innoc. IV. in hoc c. cum id solum respondisse videatur, cognitionem de salariis non esse per se conexam cum causâ principali.

§. Contrahentes.

PARAPHRASIS.

Si alienigenæ, seu qui alienæ diœcesis sunt, contrahant in diœcesi Archiepiscopali, cogi non possunt ad respondentium coram Metropolitano, nisi ibi reperiantur; verum si citati comparere nolint, vel malitiösè se occultent, ne citari possint, tum in bona eorum missio decernetur, si in diœcesi Archiepiscopali habeant, sin minus, tum denuntiabitur diœcesano ipsorum Episcopo, ut missionem faciat.

NO R. vn. Discrimen est inter eum, qui contrahens in loco persistit, & eum, qui discessit, aut non comparet, quod si praefessus sit, citari, & si contumax sit, etiam carcerari possit; at vero si absens, tum citari quidem, & in contumacia constitui potest, sed tantum in ordine ad effectum missionis in bona, ita gl. magna hic. Francus n. 2. & dixi suprà c. vlt. videri etiam hic potest Ioan. Monachus, qui admonet ex communi doctrinâ, in contractibus non esse locum remissioni, sicuti in delictis, id est, qui in alieno territorio contraxit, & inde discessit, non est remittendus ad Iudicem contractus, sicuti spectato communi iure, qui in alieno terri-

torio deliquit, & inde fugit, remittendus est ad Iudicem delicti, si sub eodem principe sit, ut dixi cit. c. vlt.

§. Nec Clericos.

PARAPHRASIS.

Archiepiscopus suos Clericos ne mittat in diœcesin Suffraganei, ut auctoritatem præbeant contractibus ibi ineundis aut recognoscendis, nec ea occasione aliquem subditum Suffraganei ad suum tribunal citare potest, sed nec censuram inferre, si citatus ab ipso aliquis Suffraganei officialis aut subditus, ut coram se ad instantiam querelantis respondeat, accede-re recusat.

NO R. vn. Non potest aliquis auctorita-tem judicialem contractui præbere extra territorium suum; & simile quiddam est de tabellione, qui non potest instrumentum authenticum confidere extra territorium eius, à quo potestatem accepit, v.g. Notarius imperialis extra imperium: sed quod legitime à Notario aut Iudice in proprio territorio instrumentum factum est, ubique fidem & auctoritatem habet; ita hic Francus n. 2. & c. seq. n. 3. ibidem Dominicus arg. c. Cum dilectus 9. de fide Instrumentorum.

CAPITVLVM II.

Sæculares.

PARAPHRASIS.

Quodam loco Iudices sæculares, si quis coram eis aduersus personas Ecclesiasticas exhibuisset instrumenta, aliasue probations, damnabili præsumptione compellebant Ecclesiasticos ad soluenda debita, cum tamen nulla ipsis laicis jurisdictione competat in personas Ecclesiasticas. Eo intellecto mandat Bonifacius VIII. ut per Ordinarios locorum censuris ab eiusmodi temeritate arceantur.

SUMMARIUM.

1. *Etsi propria Confessio, aliâne probatio liquida producatur coram Indice incompetente*

1

tente, non tamen is potest executionem facere, aut imperare.

2. Ordinarij locorum per censuras coercere debent Iudices seculares, ne Ecclesiasticam immunitatem violent.

NO T A N D V M I. Tametsi propria concusso, aliave probatio liquida producatur coram Iudice incompetente, non tamen is potest executionem facere aut imperare. Ratio est, quam dat Io. Monachus hic, quia talis probatio nullius roboris est. *argum. c. 4. de judiciis.* cum ergo laicus in causis etiam ciuilibus Iudex sit incompetens aduersus Clericum; sequitur, quod nec probationes recipere, nec secundum recepta executionem facere queat. Adde, licet contra Clericum lata sit sententia a suo Iudice, tamen potestatem secularem exequi non posse absque mandato, ut Anchoranus hic monet, quia executio sententiae est a Etius judicialis. Idem docet gl. h.c. verb. *compellunt.* ubi ait, quod Bononienses habuerint tale statutum, ut contractum inter Clericos celebratum cum auctoritate Rectoris ipsorum, illi executioni mandarent, v. g. captis pignoribus, vel arrestatis bonis: verum hoc statutum tanquam illicitum reuocatum fuisse testatur Francus h.c. n. 5.

NO T A N D V M II. Ordinarij locorum per censuras coercere debent Iudices seculares, ne Ecclesiasticam immunitatem violent; idque tametsi diuturnam consuetudinem prætendant, cum haec sit corruptela & temeritas potius, quam consuetudo, vt hic gl. monet; vel tametsi super eare laici statutum habeant: quia sicuti sententia laicæ potestatis Ecclesiasticos non ligat, ita nec tale statutum, cum vtrobique desit jurisdictione, vt hic gl. margin. ex Anchoreno notauit.

CAPITVLVM III.

Cùm C.

PARAPHRASIS.

Soluisti certam pecunia summam in defec-
tum debitoris laici, pro quo fideiusseras, & qui te indemnem seruare juratus

promisit, postea verò cum satisfacere tibi recusaret, conuenire eum volebas coram Iudice Ecclesiastico. Quæritur, vtrum id jure fiat, an verò laicus ille exceptionem fori declinatoriam opponere possit. Respondet Bonifacius, causam hanc ratione appositi juramenti pertinere ad forum Ecclesiasticum, quare laicum illum per censuram Ecclesiasticam prævia monitione compellendum esse, vt fideiussorem suum indemnem seruet.

S V M M A R I V M.

1. Ratione juramenti appositi, causa qua alias ad forum seculare propriè spectaret, efficitur fori ecclesiastici.
2. Neque tamen appositi juramenti mutat forum, ita vt causa ad solum Ecclesiasticum Iudicem spectet; sed accumulat forum foro, ita vt ad vtrumque Iudicem cognitio pertineat, sitque in optione auctoris, coram quo debitorem conuenire malit.

NO T A N D V M I. Causa, quæ alioquin ad forum seculare propriè spectat, propter appositionem juramenti efficitur fori ecclesiastici, ita etiam habetur in c. *Nouit. 13.* Exemplum habes hic, nam fideiussor, si pro debitore soluere coactus fuit, actione mandati repetere potest omne damnum & interesse, ita vt indemnisi seruetur. *c. 2 de fideiuss.* & ad id a Iudice seculari compelli debet debitor, si laicus sit, nisi is jurauerit, quod vellet indemnem seruare fideiussorem, tum ratione periurii vitandi ad Iudicem Ecclesiasticum trahi potest.

Sed queritur, num appositi juramenti mutet forum, ita vt causa ad solum Iudicem Ecclesiasticum spectet, an verò accumulet forum foro, ita vt ad vtrumque Iudicem cognitio pertineat, & in arbitrio auctoris sit, coram quo debitorem conuenire malit. priorem partem tenent Monachus & gl. finalis hic. sed contrarium recte docent hic *Andreas n. 9.* *Francus n. 9.* quia licet Iudex secularis incompetens sit, si de juramenti valore agatur, tamen si de juramento constet, ad eius obseruationem compellere & peritum punire debet. *l. Si quis. 41. C. de transact. verum-*